

Akit 1. januar 2010


Atuisunut akigititamut kisitsisillu akinut iluarsisutaasa naleqqersuutaasa iluarsaannerat

Januar 2010 aallarnerfigalugu atuisunut akigititamut kisitsisillu akinut iluarsisutaasa naleqqersuutaat atulerput. Naleqqersuutit nutaat naatsorsugaapput kingumut januar 2008 angullugu taamatullu januar 2008 naleqqersuutit iluarsaanneranni 100-inngorlugu inissinneqarluni. Taamatuttaaq inuussutissianik nioqqutissiat atuisunullu kiffartuussinerit immikkoortulersorneqarput nutaamik atugaalersumik.

Atuisartunut akit ukiumut qaffariarput

Ukiumoortumik atuisartunut akit qaffariarnerat atuisunut akigititamut naleqqersuutip iluarsinera malillugu 1,4 pct.-iuvoq naatsorsuiffimmi 1. januar 2009-miit 1. januar 2010-mut. Taamaalilluni ukiumoortumik atuisartunut akit qaffariarnerat ukiup affaanut pereersumut naleqqiullugu annertunerulluni, tassa 1. juli 2009-mi atuisartunut akit qaffariarnerat 0,9 pct.-imut inaarneqarmat, soorlu titartagaq 1-mi tamanna takuneqarsinnaasoq.

Titartagaq 1. **Atuisartunut akit ukiumoortumik qaffariarnerat (atuisunut akigititamut naleqqersuut iluarsaassaq malillugu)**



Ukiup affaanoortumik akit allanngorarnerat

Ukiup affaa kingulleq – 1. juli 2009-miit 1. januar 2010 tikillugu – atuisunut akigititamut naleqqersuut ataatsimut 1,1 pct.-imik qaffappoq. Atuisunut akigititamut naleqqersuutip nioqqutissat assigiinngitsut kiffartuussinerillu akiisa allanngorarnerat matusarpaa.

<i>Inuussutissat akitsoriartorput</i>	Ukiup affaani atuisunut akigititamut naleqqersuut ataatsimut qaffannera peqquteqarneruvoq inuussutissat akiisa qaffakkiartornerannik. 2009-mi inuussutissat akii ukiup affaata aappaani 1,9 pct.-imik qaffariarput. <i>Atuisunut akigititamut naleqqersuut ataatsimut isigalugu inuussutissat akiisa naleqqersuutaat 24,1 pct.-iuvoq, tamannalu atuisunut akigititamut naleqqersuutip ataatsimut naatsorsornerani annertuumik pingaaruteqarpoq.</i> Inuussutissat akiisa akitsoriartornerat ingammik peqquteqarneruvoq aalisakkat akiisa qaffakkiartornerannik, qaffaat tassani 4,7 pct.-iulluni. Immuit, immussuit manniillu taamatullu sukkut mamakujuillu il.il. akii 2,6 pct.-imik qaffariarput. Neqit akii 2009-mi ukiup affaata aappaani 1,3 pct.-imik qaffariarput. Pineqartut akerlianik iffiukkat karrinillu tunisassiat akii 1,5 pct.-imik appariarput, naatitat 1,4 pct.-imittaaq appariartut.
<i>...sillimmasiisarnertaaq akitsoriartorpoq</i>	<i>Nioqqutissat allat kiffartuussinerillu 2009-mi ukiup affaata aappaani 2,4 pct.-imik qaffariarput. Qaffariarneq peqquteqarneruvoq sillimmasiisarnerit akiisa qaffariarnerannik, qaffaat tassani 3,0 pct.-iulluni. .</i>
<i>Angerlarsimaffimmi atugassat akikillisut</i>	Angerlarsimaffimmi atugassat il.il. akii 2009-mi ukiup affaata aappaani 2,4 pct.-imik appartut. Akit appariarnerat annerusumik igalaamernit taamatullu sulissussinermi akit apparnerannik peqquteqarpoq.
<i>Qallunaat Nunaanni atuisunut akit allanngorarnerat</i>	Qallunaat Nunaanni atuisunut akigititamut naleqqersuut januarimit 2009 januarimut 2010 2,0 pct.-imik qaffariarpoq. Qaammatip siuliani ukiumut qaffariaat 1,4 pct.-iuvoq. Qaffariaammut peqputaqataallutik tupat annertujaartumik akileraarutaasa januarimi 2010-mi annertusinerat, "Forbruger- og nettoprisindeks januar 2010" Qallunaat Nunaanni Naatsorsueqqissartarfiup nutaarsiassaata nr. 57 malillugu.
<i>Atuisunut akigititamut kisitsisillu akinut iluarsisutaasa naleqqersuutaasa iluarsaannerat</i>	Januari 2010 aallarnerfigalugu naleqqersuutit nutaat atuisunut akigititamut kisitsisillu akinut iluarsisutaasa naleqqersuutaannut akuliutinneqarput. Naleqqersuutit nutaat tunngaveqartinneqarput 2004-mi Kalaallit Nunaanni inuit ataasiakkaat ataatsimut atugaasa katiternerisigut. Naleqqersuummi, maannamut atugaasumi 1992-mi aamma 1993-mi atugaasut katitneri tunngavigineqarput. Taamaattumik naleqqersuutit nutaat erseqqissisippaat atuinerup isikkua. Tamatumuuna atuisunut akigititamut kisitsisillu akinut iluarsisutaasa naleqqersuutaasa eqqornerusumik takutippaat naatsorsuinerup allanngorarnera.
	Taamatullu nunat assigiinngitsut akornanni inuussutissatut nioqqutissat kiffartuussinerillu immikkoortulersuinikkut immikkoortiterlugit, Classification of Individual Consumption by Purpose (COICOP), atulernerqarmat. Taamalu kisitsisit ataasiakkaat naatsorsukkat naleqqersuutaat siornatigut naleqqersuutaasut tamanut nalunaarutigisat naleqqersuutitut assigiissallutik. Soorlu imeruersaatit nioqqutissanut inuussutissakkunnut nuunneqarsimasut. Siornagut imeruersaatit imigassat aalakoornartortallit immikkooqatigisimagaluarpaat. Nioqqutissat kiffartuussinerillu ataatsimut atuisunut akigititamut kisitsisillu akinut iluarsisutaasa naleqqersuutaasaa iluarsaassat iluarsaassinerup siornatigut pissutsit assigiinnarpai. Nioqqusianuku immikkoortoqarfiinit allanut immikkoortitserneqaannarsimasut. COICOP atorneranut iluaqutaavoq kisitsisit ataasiakkaat naatsorsukkat naleqqersuutaasa allanngorarnerat toqqaannartumik danskit EU-milu nunani naleqqersuutaasunut ataqatigiissitaarneqarsinnaalernerat.
	Naleqqersuutit naatsorsugaapput januar 2008-p tungaanut nutaanik naleqqersuusiortulugit COICOP-lu atugaasut malillugit, januarilu 2008 100-inngorlugu naleqqersuutit iluarsaassanut aallaaviuvoq. Naleqqersuutip iluarsaassap allanngorarnera nutaanik naleqqersuusiortnerit toqqaannartumik siornagut naleqqersuutit qanoq isikkoqarnerannik tamanut nalunaarusiat ataqatigiissinneqarsinnaanngillat, tassani naleqqersuutit allat atornerqarmata.

Saqqummersitaq
pappialanngorlugu

Saqqummersitaq
Naatsorsueqqissaartarfimmut
akilernerisigut.

piniarneqarsinnaavoq

pappialanngorlugu. Oqarasuaat 36 23 60
imaluunniit e-mailkut uunga: stat@stat.gl

Kalaallit

Nunaanni

atorlugu
aningsartuutit

Vil du i fremtiden have besked om ny statistik, som offentliggøres på Grønlands Statistiks hjemmesiden, kan du tilmelde dig vores elektroniske nyhedsbrev.

Eventuel henvendelse
Johanne Svendsen Kleemann
E-mail: jkle@stat.gl

Gå ind på www.stat.gl. Nederst i menuen til venstre vælger du "abonner på nyhedsbrev". Så får du fremover en e-mail, hver gang vi offentliggør en ny statistik.

Grønlands Statistik
Postboks 1025 · 3900 Nuuk
Tlf.: 36 23 60 · Fax: 36 23 61
www.stat.gl · e-mail: stat@stat.gl

